

DE CONSTITVTIONIBVS AC CON-
suetudinibus ecclesiasticis. Cap. .I.

DE CONSTITVTIONIBVS HVMA-
nis ac ecclesiasticis consuetudinibus magna in præsentia
rum in ecclesia dei concertatio est, quam ecclesiæ turba-
tores, vt ecclesiæ authoritatem euerterent, ad nihilumq;
redigerent, inuexerunt. At populus hic docendus est,
sanctorum patrum regulam sequi, qui diligenter admo-
nent, traditiones ecclesiasticas, præsertim quæ fidei non

officiunt, ita obseruandas, vt a maioribus traditæ sunt. Sunt autem illa quæ
non scripta, sed tradita custodimus, non vnius generis, quemadmodum di-
uus Augustinus tradit. Alia enim toto terrarum orbe obseruantur a patri-
bus, nobis quasi per manus tradita. Quæ quidem putanda sunt, vel ab ipsis
Apostolis, vel ex plenarijs Concilijs (quorum est in ecclesijs saluberrima au-
thoritas) commendata, atque statuta retineri, veluti quod passio & resur-
rectio & ascensio in cælum, aduentus spiritus sancti, & quadragesima annua
soënnitate celebrantur, Quod die Veneris a carnibus abstinetur, atque alia
multa, quæ ab vniuersis merito obseruantur. Alia vero quæ per loca terra-
rum, regionesq; variantur, sicut est, quod alij ieiunant diem Mercurij, alij
non, alij quotidie communicant corpori & sanguini domini, alij certis die-
bus accipiunt. Et si quid aliud huiusmodi animaduerti potest, totum hoc
genus rerum liberas habet obseruationes. Quod enim neque contra fidem
catholicam, neque contra bonos mores esse conuincitur, indifferenter est ha-
bendum, & pro eorum inter quos viuunt, societate seruandum. Sic diuus
Ambrosius Augustinum docuit de hoc altero genere interrogantem: Tu

Aug. ad Ie-
nuariū. c. illa
autē. 12. dist.

(inquit) ad quamcunque forte ecclesiam (nimirum in vnitatem catho-
licæ ecclesiæ permanentem) veneris, eius morem serua, si-
cuiquam non vis esse scandalum, nec quenq; tibi,
sed de his, ac quatenus ecclesiasticæ istæ
constitutiones obligent, alibi
latius dicemus.

Ieiunia ab ecclesia indicta, reuerenter obseruanda. Cap. II.

Ieiunia ergo ab ecclesia indicta, reuerenter obseruari volumus, admonens
Iudicq; populus cur sint instituta, Nempe vt corpus per intemperantiam
cibi ac potus luxurians castigetur, in seruitutemq; redigatur, quo animus ve-
getior ac liberior laudibus diuinis insistat, diuinæq; voluntati sese attempe-
ret. Magnum certe & generale ieiunium est, abstinere ab omnibus iniquita-
tibus & ab illicitis voluptatibus seculi. Ad hoc perfectionis qui nondū per-
uenit, is ecclesiæ indictum huc vocans, haud contemnat.

Aug. in Ioh.
c. ieiuniū aīe
magnum de
consc. dist. 5

G iij Irriso